



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. VII. An, & qualiter Ecclesiastici ligentur legibus, & statutis Laicorum?

---

[urn:nbn:de:hbz:466:1-73031](#)

*inspicere*: securus est, ubi causa dubia est; tum enim ad Superiorem recurriri debet, si id fieri possit.

615. Quod autem quandoque occurrant ejusmodi casus, ubi secundum legis literam videatur procedi non posse, inductione constat; nam saepe lex indeterminata habet, *nisi gravia criminis indicia habeantur, non esse deveniendum ad capturam; vel torturam criminosi*; qui determinet, quae sint ea gravia indicia? Similiter non raro lex statuit, *Judici sic, vel sic procedendum esse in casu, quo aliqui metus gravis, vel atrox injuria illata est*; quin definiat, *quis metus gravis*, aut *injuria censeri atrox debeat?* cum omnes casus speciales, qui ex variatione circumstantiarum innumerabilium, mirè variantur, unâ lege universalî comprehendi non possint. Licet autem interdum in legi speciatim exponatur, quis metus v. g. censetur *gravis*? &c. hoc tamen communiter non sit aliter, quam *exempli gratia* assérendo unum, vel alterum casum, ut in multis liquet. Et ideo in ejusmodi casibus occurrentibus, fori præsertim externi *Judex*, non statim *sensu suo duci debet* (qui frequenter cæcis affectibus corrumpi potest) sed quando casus neque per legem, nec statuta, stylum Curiae, seu consuetudinem, decisionem habet, in judicando adhærere debet communi, & meliorum Doctorum opinioni. Quia cum inter litigantes arbiter constitutus sit; sequi cogitur, quod probabilius, seu veritati ac justitiæ magis consentaneum est. Nam hoc importat *obligatio muneris iudicarij*; ita Layman L. 1. Summae, tr. 2. c. 6. n. 5. Dixi: *opinioni communi, & meliori*. Nam major opinionis probabilitas non debet sumi *ex sola pluralitate authorum etiam sequentium*, sed *ex pondere, & gravitate rationum, quibus nititur*, L. 1. C. de veteri jure enucleando, ibi: *sed neque ex multitudine Authorum, quod melius est, judicato;* cuius rationem dat ipsa lex dicens: *cum possit unius forsitan, & deterioris sententia, & multos, & maiores aliquâ parte superare*. Cui consonare videtur c. Capellanus, de Fieriis, ibi: *posterior sententia meliori, & subtiliori nititur ratione*. Et ideo recte ait glossa marginal. in cit. L. 1. ponderande sunt *sententie, non numeranda*. Si autem

nec his juvari possit, tradit hanc regulam Manzius p. 5. Instit. ad Tit. 2. 2. §. 9. de jure naturali, n. 16. quod, *quoties aliquid jure non satis reperitur definitum, recuratur ad Judicis arbitrium*.

## §. VII.

An, & qualiter Ecclesiastici ligentur legibus, & statutis Laicorum?

A Nte resolut. not. 1. per exemptionem, seu immunitatem Ecclesiasticam intelligi jus, vi cuius Ecclesiastix, personæ Ecclesiasticae, ac eorum bona eximuntur, seu liberantur à præstandis oneribus, vel etiam subeundis officiis sæcularibus, & subjectione, relatè ad Laicum Superiorum. Hoc autem nomine veniunt solùm exemptiones illæ, quæ toti statuji Clericorum, vel omnibus locis, aliisque rebus Deo particulariter dicatis communis sunt. Sic Thom. Delbene c. 1. de Immunitate Ecclesiastica, dubio 1. n. 4. hæc immunitas triplex est: *Localis*, quæ Ecclesiæ, & aliis locis Ecclesiasticis; *Realis*, quæ rebus, seu bonis ad Ecclesiam, vel Clericos pertinentibus; *Personalis*, quæ ipsis personis Ecclesiasticis concessa est. Not. 2. potissimum quæstionem hic in eo versari, an Clerici, & Regulares civilibus Principum legibus, & statutis obligentur? Negativam sequuntur non tantum Theologi, sed etiam Canonistæ, fundantes se in eo, quod nemo ligari possit legibus, aut statuto alicujus, nisi subditus sit jurisdictioni, & potestati Legislatoris quoad eam matteriam, circa quam versatur lex; sed Clerici, & Regulares nulli jurisdictioni, seu potestati Legislatoris Laici subditi sunt quoad personas suas, Ecclesiæ, ac eorum & sua etiam bona: ergo nullis eorum legibus, & statutis ligari possunt. Minorem probant ex utroque jure humano, civili scilicet, & canonico.

Ex jure civili. Nam in Authentica Cisa, de sacrosanctis Ecclesiæ, Cassa, inquit Imperator, & irrita esse denuntiari per totam Italiæ præcipimus omnia statuta, & consuetudines, contra libertatem Ecclesiæ, ejusq. personas. Ea porro statuta Laicorum contra libertatem Ecclesiasticam censentur, (ut dicimus amplius n. 635.) quibus Clerici timidiores, & mi-

nus expediti redduntur, vel ad amplectendum statum, vel ad exercenda officia suscepti statutus, quod sanè sit per onera, & gravamina, quæ Laicorum statutis, & præceptis, personis Ecclesiasticis directè, vel indirectè, & cum effectu inferuntur; sic Bart. in Authent. *Cassa*, & L. I. §. que oneranda, ff. quarum rerum actio non datur; & Suarez de immunit. *Eccles. c. 22. n. 11.* Plura super hoc vide ri possunt in l. I. *authenticorum*, & in authent. Item nulla, C. de Episcop. & Cleric. His addi potest constitutio quarta ex Constitut: Friderici Secundi Imperatoris, cuius verba sunt: item statuimus, ut nullus Ecclesiasticam personam in criminali questione, vel civilis, trahere ad judicium seculare presumat, contra constitutiones imperiales, & canonicas sanctiones; quod si fecerit, auctor à suo jure cadat; & judicatum non teneat: & Index sit ex tunc judicandi potestate privatus. Statuimus enim, ut si quis Clericis, vel personis Ecclesiasticis justitiam denegare presumserit, tertio requisitus, suam jurisdictionem amittat.

118. *Ex jure Canonico.* Nam in c. que in Ecclesiarum, 7. h. t. dicitur, quod constitutio Laicorum, Ecclesias, personas Ecclesiasticas, ac earum bona non adstringat; & c. Ecclesia S. Marie, 10. eod. quod statutum generale Laicorum ad Ecclesias, vel Ecclesiasticas personas, vel ipsarum bona, in earum præjudicium non extendatur: nec etiam speciale, licet earum commodum, & favorem concernat, c. significasti, 18. de foro compet. quod Clericus in Judicem non suum (nisi forte sit persona Ecclesiastica, & Diocesan voluntas accesserit) consentire non possit. Et ideo in c. se diligent, 12. eod. Clericus constituens, seu se subiiciens Judici Laico, etiam in proprium juramentum, & adversarij consensu accedat, causam perdit, & à communione jubetur haberi extraneus, c. Noverit, 4. de sent. excom. ubi Honorius III. excommunicat eos, qui de cetero servari fecerint statuta edita, & consuetudines introductas, contra Ecclesia libertatem. Eandem excommunicationem statuit idem Pontifex cit. c. Noverit, in statarios, scriptores statutorum ipsorum, Potestates, Consules, Rectores, Consiliarios locorum, ubi de cetero hujusmodi sta-

tuta, & consuetudines edite fuerint, vel servatae; item illos, qui secundum ea presumperint judicare, vel in publicam formam scribere judicata. Ubi expressè additur, & habetur in integra Lectione, quod hanc excommunicationem in Basilica Principis Apostolorum præsente Fiderico Romanorum Imperatore, in celebrazione missiarum, postquam Honorius capiti ejusdem diadema imposuit, accensis candelis pronuntiaverit. Demum in c. I. de Immunit. Eccles. in 6. indistinctè dicitur: quacunque res, seu bona Ecclesiarum, & personarum Ecclesiasticarum dicuntur exempta à jurisdictione secularium, etiamsi intra illorum districtum, vel territoriorum sint constituta: excipe bona feudalia; quia clericus vasillus laici, quoad feudum, laici potestati, & jurisdictioni subest, c. Transmissa, de foro compet. Denique c. quanquam, 4. de Censib. in 6. expressè dicitur, quod Ecclesie, Ecclesiasticeq; personæ, ac res ipsarum, non solum jure humano; quin imo & divino, à secularium personarum actionibus sint immunes; ergo ex utroque jure certum est, potestatem, & jurisdictionem laicam nihil omnino posse contra Ecclesias, Ecclesiasticasque personas, ac earum bona, etiam leges, & statuta condendô contra libertatem Ecclesiasticam, nimirum in illis, in quibus ab eorum potestate, ac jurisdictione exempti sunt.

Ex his tam apertis summorum Pontificum decisionibus (nisi quis dicat eos in re pertinente ad mores fidelium, dixisse falsum, quod nefas est) videtur certum, quod Laici statutis suis non possint derogare iuribus Ecclesiarum, c. que in Ecclesiarum, de constitut. Laynam incit. c. n. 1. Hinc Magistratus secularis nec ex plenitudine potestatis quidquam disponere potest circa Ecclesias, personas Ecclesiasticas, earumque bona. Nam nulla potestas aliquid potest circa non subjectam. Nec obest, quod mali politici communiter objiciunt: necessitas legem non habet; & quod non est licitum in lege, necessitas facit licitum. reg. 4. de regul. juris. Nam necessitas, aut ratio boni publici jurisdictionem fundatam, seu præexistentem extendere quidem potest; sed ubi non subest, seu non præexistit circa tales materiam, dare non potest, ut notat Suarez in de-

*in defens. fid. Cath. l. de immunit. Eccles. c. 31. n. 8.* Unde omnino cum Christi Vicario negandum est, quod sola necessitas det jurisdictionem: at potestati laicæ, quæ tali, nulla est jurisdiction in Ecclesiis, earumque personas, aut res; ergo eam etiam in casu necessitatis non acquirit; ita Layman *in c. 7. de Constitut. n. 12.* Imò nec vi consuetudinis etiam immemorialis, aut præscriptionis, jus ullum in Clericos habere potest, quia Laici sunt incapaces juris Ecclesiastici, seu spiritualis. sic Barbosa in *c. 7. de constit. n. 3. &c.*

**620.** Hinc universaliter tenendum, quod leges, constitutiones, aut statuta laicorum, quæ de Ecclesiis, aut Ecclesiasticis rebus, vel personis, specificè, hoc est, expresse, & nominatim disponunt, sive præcipiendō, sive prohibendō, licet earum commodum, & favorem concernant, omnino irritae sint, & vim nullam habeant, defectu potestatis; ita definitum est *c. Ecclesia S. Mariae de constit.* Dixi: si specificè disponant de Ecclesiis, aut earum rebus, vel personis. Nam si disponant generaliter, nec juri Canonico contradicant, & statutum alias honestum sit, nec ex objecto suo onerolum, aut Ecclesiastice libertati contrarium, nec dedecens statutum Clericalem, statuta ejusmodi generalia, etiam Clericos, & personas Ecclesiasticas, saltem vi directivâ ligant, sed solum juxta dicenda *in seqq.* sic Barbosa in *c. 10. de constit. n. 3.* Zoëlius in *l. 1. decret. tit. 2. n. 37.* Talia statua sunt, quæ respiciunt regimen, & politiam civitatis, cuiusmodi sunt statuta, quibus justa rerum venalium prætia taxantur, vel prohibentur arma deferri noctu, vetantur merces extrahi, præscribitur forma contractibus, &c.; ita Sotus *l. 1. de iust. q. 6. a. 7.* eodem etiam modo quidam resolvunt, etiam Clericos ligari consuetudine Clericis, & Laicis communis. Barbol. cit. *n. 4.*

**621.** Verum circa prædictum calum controversia est, an Clerici, & Regulares prædictis legibus directè, ac *in vi* earum obligentur? Aliqui censem hanc ipsam obligationem parendi ejusmodi statutis, vel consuetudini, non nasci *ex vi statuti Laicorum*, v.g. taxantis prætium rei venalis; sed *ex ipso jure naturali, & divino*, quo

tenemur res nostras justo prætiō vendere. Quarè, si lege Principis laici poenā sit constituta in eos, qui pluris vendiderint, ejus poenæ laicus fit reus, non Clericus; sic Barbosa cit. *n. 4.* Azor *Institut. moral.* p. 1. l. 5. c. 12. q. 4. Zoëlius cit. *n. 38.* Alij autem cum Suarez *l. 3. d. legibus, c. 3. & 34. n. 13.* his legibus Clericos, & Regulares obligari solum, in quantum ab Ecclesia recepte sunt. Nam in ejusmodi personas nulla Laicis potestas attributa est, ut expresse dicitur *c. Ecclesia S. Marie, de Constitut. c. Decernimus, de Judic. c. Sæculares, de foro competit in 6.*

Castropalaus *p. 1. tr. 3. D. 1. p. 24. §. 6.* **622.** *n. 5.* prædicta non approbat; & 1. quoad hoc, quo dicitur non peccare Clericos, & Regulares contra leges, & statuta Laicorum directè, si eas leges non obseruent, 1. quia sic non committerent in justitiam vendendō triticum ultra præmium taxatum à lege. 2. sic non facerent contractum irritum, etiam non servatā formā, jure vel statuto generaliter præscriptā, &c. Nec approbat integrè modum dicendi Pátris Suarez; Sed *n. 6.* censet probabilius, dictis legibus per se ac directè Clericos obligari. Nam Clerici cives sunt, & partes præcipuae talis Reipublicæ; ergo etiam illi Gubernatori politico talis Reipublicæ debent esse subjecti in merè temporalibus; at is in eo casu non est Pontifex, sed Rex v.g. vel supremus ejus gubernator: ergo. Primam conseq. probat; quia neque jure divino, neque humano exempti sunt à gubernatione politica Reipublicæ. *Non ex jure divino;* nam *omnis anima potestatibus sublimioribus subdita est*, juxta S. Paulum, *ad Rom. 13.* quæ verba expendens D. Chrysostomus hom. 23. extendit etiam ad Clericos; & paulò superius dixit: Christum leges suas non ad hoc induxisse, ut politicas evertat; sed ut ad melius instituat. *Non etiam ex jure canonico;* tum quia sàpè præcipit eas observari; tum quia, quando personæ Ecclesiastice dicuntur exemptæ à jurisdictione Laicorum, intelligi debet *quoad vim coercitivam*, seu punitionem; & *quoad vim directivam in rebus tantum spirituilibus*, & *quæ illorum immunitatem speçant.* sic ille.

Sed contrarium videtur probabilius, ni mirum Clericos, & Regulares, non ligari

gari per se, ac directè ullis legibus, & statutis Laicorum. Et. 1. loquendò de legibus, & statutis contra immunitatem Ecclesiasticam concedit ipse Castropalaus, ut constat ex eod. in cit. §. 6. n. 1. &c. 6. de aliis verò (de quibus in præsenti agitur, ut diximus n. 620.) quæ scilicet Clericorū statum non dedecent, probatur: Quia nemo per se, ac directè potest ligari legibus ejus, cui nulla in eum attributa est jurisdiction, & potestas; sed in Clericos, & Regulares nulla Laicis est attributa jurisdiction, & potestas, ut constat ex n. 616. Cùm enim omnis potestas sit à Deo mediata, vel immediata, etiam in Principe Laico, ut diximus suprà; quæ illa sit, & quanta? nemo certius definire potest, quàm Ecclesia; hæc autem expressè, ac indefinitè dicit, *Laicis in Clericos, & personas Ecclesiasticas nullam jurisdictionem, vel potestatem attributam esse*, ut præmissum est; ergo.

**624.** Nec obstant contraria fundamenta. Ad 1. in n. 622. q. ut verum, sit, Clericos committere injustitiam vendendo triticum, ultra taxatum pretium à lege, non requiri, quòd directè obligentur statuto Laicorum taxante pretium; sed sufficere, quòd indirectè, quatenus jure naturali, & divino directè obligantur res suas justò prætiō vendere, & consequenter indirectè præscriptæ se taxæ in tali Republica accommodare. Idem respondetur ad alterum de contractibus celebrandis juxta præscriptam formam, ne cæteroquin lèdant jus alienum, inæqualitate onerum, nec statum Ecclesiasticum dedecentium. Ad 2. q. concedi personas Ecclesiasticas adstringi legibus civilibus in merè temporalibus, quæ omnibus civibus communes sunt, nec dedecent eorum statum, nec lèdunt eorum immunitatem; at non directè, ac in vi legis civilis (nam ad hoc nulla Laicis potestas attributa est) sed solum indirectè, nimis in vi legis naturalis, & divina, qua pars quælibet secundùm rationem status sui tenetur procurare bonum totius. Unde omnino negandum est, personas Ecclesiasticas, nec jure divino, nec jure humano exemptas esse à gubernatione politica Reipublicæ, importante vim directè obligandi ejusmodi personas, ut constabat ex seq.

**625.** Et quidem exemptas esse jure divino dicemus infra à n. 640; nec obstat textus

S. Pauli in n. 622. Concedo enim, omnem animam potestatibus sublimioribus subditam esse, secundum mensuram jurisdictionis à Deo immediata, vel mediata concessa; at personas Ecclesiasticas per se, ac directè obligandi legibus politicis nulla Laicis potestas attributa est ex n. 616.; & S. Chrysostomus rectè intelligitur de obligatione solum indirecta; cum id doctrinæ Conciliorum, & sacrorum Canonum à n. 618. multò conformius sit. Nec aliud intendit Christus per leges à se inductas.

Exemptas esse jure humano, constat non tantum de jure canonico à n. 618. sed etiam civili, ex n. 617. Ex eo autem, quòd jus Canonicum sæpe præcipiat servari leges, non sequitur, Clericos obligati directè in vi talis legis, in quantum procedit à Legislatore Laico; sed in vi legis canonizate, seu in quantum approbatur, & assumitur à Legislatore Ecclesiastico, eo ipso impertiente illi autoritatem suam, & vim canonis, ut patet in multis casibus de cognitione legali ex arrogatione, vel adoptione &c.

Nec ulli dubium esse potest, personas Ecclesiasticas à jurisdictione Laicorum, Ecclesiastico jure, exemptas esse, ut manifestum sit à n. 618. ; immerito autem eam exemptionem limitat tantum ad spiritualia, & quæ lèdunt eorum immunitatem. 1. quia leges Laicorum, quæ sive generaliter, sive specificè disponunt, etiam in favorem Ecclesiarum, irritæ sunt, etiamsi non sint de puris spiritualibus. Nam, ut habetur c. Ecclesia S. Mariae, 10. h. t. statutum Basilij, Præfetti Urbis Romæ, de non alienandis prædiis rusticis, vel Urbanis (quæ temporalia sunt) ministeriis, & ornamenti Ecclesiarum deputatis, fuit in favorem Ecclesiarum, & nullatenus penale; & tamen Innocentius III. ibid. expresè definit irritum, ac omnino reprobavit cā potissimum ratione, quod auctoritate non fuit Romani Pontificis robatur, cum Laicis (etiam religiosis, ac piis) super Ecclesiis, & personis Ecclesiasticis, nulla sit attributa facultas: quos obsequendi manet necessitas, non auctoritas imperandi. Ubi not. to nulla facultas, nec imperandi auctoritas, etiam in temporalibus, ut liquet ex allato casu, & pluribus ibid.

Ex hoc sequitur, non posse admitti restriction-

strictiōnem, quam n. 622. attulimus ex P. Castropala; imò eo ipso laedi immunitatē Ecclesiasticam, si Laici usurpent sibi motu proprio auctoritatem imperandi, vel ipsis personis Ecclesiasticis, etiam sine coercitione, vel de bonis, & rebus Ecclesiasticis, ut liquet ex n. 618. & citatis ibidem juribus, ubi dicitur, *quæscunque res, seu bona, exempta esse à jurisdictione Laicorum*; ergo non sola *spiritualia*; & quoniam exp̄resse dicitur *nulla potestas, nulla imperandi auctoritas*, manifestè excluditur potestas saltem directè ligandi legibus suis, sive consideretur, in quantum est coercitiva, sive in quantum merè directiva. Nam tò *nulla excludit omnia*.

629. Esto igitur Clerici non obseruent leges, & statuta Laicorum, & ob id directè violent jus naturale, ac divinum; non tamen ex hoc fiunt obnoxij pœnae, si quæ transgressoribus statuta sit lege Principis; quia qui non obseruat id, quod lege, quâ non tenetur, cautum est, non potest dici *transgressor*. Et quidem si agatur de pœna, vel punitione, quæ requirit cognitionem cause, communis Doctorum sententia est, irritam esse legem Laicorum, quæ statuit ejusmodi pœnas in Clericos transgressores statuti etiam non specificè lati in Clericos; hi enim exempti sunt à foro Laicorum; sic Castropalaus p. 1. tr. 3. D. 1. p. 24. Q. 6. n. 7. Idem dicendum venit de pœna, seu punitione ipsi delicto annexa. Nam etiam hæc punitio est quædam virtualis sententia, lata non adversus communitatem, sed adversus quamlibet personam particularem delinquentem in statutum. Nam Clericus, quâ talis, exemptus est à foro, & jurisdictione laica, c. at si Clerici, c. Clerici, & c. qualiter, de Judicis, c. Ecclesia. S. Maria, de constitut. c. decernimus, de re judicata, c. seculares, de foro competente.

630. Unde deducitur, statutum Laicorum, exp̄resse disponens de Clericis, Ecclesiis, aut rebus Ecclesiasticis, præcipiendō, aut vetandō, irritum esse, quamvis respiciat eorum favorem, ex n. 618. nam nulla jurisdictione extendere se potest extra limites suos; seu erga non subjecta, L. ult. ff. de jurisdict. omnium Judic. nisi sponte recipiantur ab habente legitimam potestatem; sed tunc vim habent non ex autoritate statuentium, sed authoritate confir-

mantis, seu recipientis; ita Layman in c. 10. de constit. n. 3.

Sic nec leges seculariū generaliter latæ, 631. quæ per se, & ex objecto onus imponunt, seu gravamen, aut juri acquisito derogant, extendunt se ad Ecclesiis, aut earum res, ac personas; ita Bartol. in L. Cunctos populos, C. de Sancta Trinit.. q. 5. n. 28. Andr. Gail. l. 2. observ. 23. Layman cit. n. 4. quia actus imponendi onera, & gravamina, præferunt jurisdictionem ergo eos, in quos feruntur; at à jurisdictione Laicorum exemptæ sunt Ecclesiæ, res, & personæ earum, c. quanquam, de censibus, in 6. & hoc maxime procedit, si ratio statuendi de rebus, aut personis Ecclesiasticis, in statutis afferatur jurisdictionis territorialis magistratui laico competens. Nam, quod apud omnes notum est, ea non nisi erga personas, & res subditas extendi potest; tales autem non sunt Ecclesiæ, earumque res, & personæ relatae ad Laicos. Et ideo hi non tantum irritò statuunt, sed etiam peccant, si pœnam, & gratiæ suæ amissionem Clericis statuti sui transgressoribus, una cum Laicis, tanquam inobedientibus, & contumacibus adjiciant, vel minentur. Nam hæc statuta aperte repugnant libertati Ecclesiasticæ. Quamvis enim concedamus, statutis Laicorum generatim disponentibus quoad vim directivam ligari etiam Clericos; juxta id, quod dictum est à n. 620.: negandum tamē est quoad vim coercitivam, seu punitivam; ita Castropalaus cit. n. 7. nec obstat, quod jus præcipiendi per se conjunctam habeat vim puniendi; quia per accidens (si scilicet quis exemptus sit à vi coercitiva) fieri potest, ut separantur. V. Azot p. 1. l. 5. c. 41. q. 2.

Neque dicas ex reg. 55. in 6. qui sentis onus, sentire debet commodum, & contra: ergo cum personæ Ecclesiasticæ una cum Laicis, tanquam partes, & membra Reipublicæ civilis, utantur commodis, ac juribus communibus, ex pacto quadam tacito, & naturali æquitate dicendum venit, eas oneribus, & gravaminibus communibus subjectas esse, præsertim, cum Magistratus secularis obligationem habeat, & non minus curam gerat, ut defendat eas, quam Laicos. q. nec illam regulam juris, nec æquitatem naturalem, quæ de te optima est, huic materiæ bene applica-

applicari. Hæc enim commoda, quæ à Magistratu civili præstantur Ecclesiasticis personis, his præstantur *ex debito propter spiritualia officia, & obsequia*, quæ Republicæ civili præstantur ab Ecclesiis, ut notat Apostolus. *I. ad Cor. 9. si nos vobis spiritualia seminavimus, magnum est, si carnalia vestra metamus*; de quo fusiū Laymam *cit. n. 6.* Reverā enim temporalia, quæ à Laicis percipiunt Ecclesiastici ministrantes eis bona spiritualia, comparatione horum modica sunt; ut recte docet Apostolus. Accedit, quod pro his, quæ illis præstantur à Laicis, qui curam Communitatum gerunt, amplissimè satisfiat, per subjectionem indirectam, de qua diximus à *n. 620.*

633.

Nec istud dicunt soli Ecclesiastici. Nam ipsi etiam Principes Laici dicunt, si exactiones, collectæ, angariæ, seu vehiculares, aut similes prestationes Ecclesiasticis personis indicantur, contra earum privilegia, & immunitates, eas utroque jure nullas esse, ut apertè constat ex jure civili, de quo *n. 617.* & ratio est; quia Laici carent legitimâ facultate non tantum lèdendi immunitatem Ecclesiasticam per leges suas illi contrarias, ut constat; sed etiam directè, vel generaliter, vel *specialiter* ligandi Ecclesiis, personas Ecclesiasticas, & quascunque earum res, & bona, ex juribus jam præmissis. Similiter, irritum est statutum Laicorum (in quantum se extendit ad personas Ecclesiasticas) quo disponitur, ut si quis incolarum bona sua in alium locum transfert, partem aliquam, decimam v. g. fisco, vel communitatì solvere cogatur; vel si quis ci-vium filiam, vel filium religionem ingresurum dotaverit, partem aliquam publicæ fabricæ applicare necesse sit. Ratio sumitur ex defectu statuendi de his bonis in præjudicium Ecclesiarum, & Ecclesiasticarum personarum. Et ejusmodi statuta nullâ consuetudine, vel præscriptione stabiliti possunt, ut constabit, cum opponantur iuri divino; sic Felinus *in c. 10. de constit. n. 94. ex c. 1. de consuetud.*

634.

Irritum pariter est statutum municipale Laicorum, ut qui religionem ingrediuntur, excludantur ab hæreditate, & vel parte aliquâ hæreditatis, vel solâ legitimâ, seu vitalitiâ contenti sint, & esse debeant. Ratio est eadem, & ita tradunt passim o-

mnes Canonistæ. Nam tale statutum retrahit ab ingressu religionis, facitque homines timidiiores, & magis impeditos, ne ingrediantur; Layman *in c. 10. de constit.*

*n. 7.* Irritum quoque est statutum municipale Laicorum in ordine ad res, & personas Ecclesiasticas, ut res immobiles æquè, ac mobiles triennij spatiō usucapiantur; ratio est eadem. Unde Gail. *cit. observ. 32.* testatur, in Camera Imperiali decisum esse, quod statuta Laicorum non ligent Clericos; cum sint contra libertatem Ecclesiasticam, juxta Authent. *Cassa, cit. sup. n. 617.*

Notandum autem, ea statuta Laicorum

contra libertatem Ecclesiasticam censeri,  
quibus Clerici timidiiores, & minus expediti redduntur, vel ad amplectendum statum Ecclesiasticum, vel ad exercenda officia suscepti statū, quod sanè fit per onera, & gravamina, quæ Laicorum statutis, & præceptis personis Ecclesiasticis directè, seu indirectè, & cum effectu inferuntur. Bartol. in authent. *Cassa, & L. I. §. quæ onerandæ, ff. quarum rerum actio non datur,* & Suarez de immunit. *Eccles. c. 22.*

*n. 11.* Nam sicut à potestate sacerdotali commoda, favores, & privilegia, Clericis concessa, statum clericalem cohonestant, personas Ecclesiasticas animant, & ad officia sua erga populum fidelem alacrius obcunda excitant, aliosque plures ad amplectendum ejusmodi statum excitant; sic vicissim onera, & gravamina, quæ Laicorum statutis, & præceptis, personis Ecclesiasticis directè, vel indirectè, ac in effectu inferuntur, statum Ecclesiasticum dehonestant, ignobilem, ac despectum reddunt, Clericorum animos contrastant, ac dejiciunt, & alios ab hujusmodi statu assumendo absterrent; ita Laymam *in c. 10. b. t. n. 8. V. c. 1. de Immunit. Eccles.* ubi dicitur, quod libertatem, & immunitatem Ecclesiasticam lèdere, ac minuere, tanquam honoris, & privilegij Ecclesiarum invidi moliantur.

Si autem quæras, an invalida sint statuta Laicorum, quæ specificè disponunt de bonis personarum Ecclesiasticarum, etiam patrimonialibus? R. quod sic; quia & haec exempta sunt ab omni foro, & jurisdictione sacerdotali. Quando enim personæ sunt exemptæ, etiam res earum, ut pote accessoriæ, sunt exemptæ; Abbas

*iii c.*

in c. *Qualiter, de judiciis, n. 17.* ibi: certum est, quod persona est exempta; ergo & res. Ex eodem invalida sunt Laicorum statuta, quibus conceditur Laicis, habentibus feudum ab Ecclesia, ut illud in casu necessitatis alienare possint, sine consensu Domini directi, c. *qua in Ecclesiastum, de Conſtit.* & hoc universaliter procedit de bonis, quorum dominium directum est penes Ecclesiam, licet utile sit penes Laicum; sic Pithing *de conſtit. n. 77.* quod verum est, quamvis in contrarium à Jure Canonico nihil reperiatur in tali caſu statutum. Nam hoc Ecclesiæ præjudicium nullo jure subest jurisdictioni Laicorum, quam habent à Deo, ut constabat ex n. 640. & seq.

637. Leges verò, & statuta Laicorum, quibus Clericis conceditur purus favor, cum talis concessio non sit actus jurisdictionis exercitæ in Clericum, omnino valent. Sic valeat statutum Laicorum, ut Clerici primogeniti possint succedere in feudis, majoribus, fideicommissis, &c. Nam privilegia concedi possunt etiam non subditis, & omnino extraneis, ne in detrimentum cedat, quod in favorem concessum est. Hinc si fiat statutum Laicorum, ut foemina non succedat, quamdiu superest agnatus masculus, etiam Clericus, & Monachus in hoc beneficio comprehenditur. Nec obstat, quod diximus, non valere statutum Laicorum, licet favorem contineat. Nam hoc intelligendum venit, ut liquet ex textu c. *Ecclesia S. Marie,* si procedat Clericis præcipiendo, vel vetando; non autem pure concedendo, donando, &c. Si autem ejusmodi statutum, excludens foeminas, primò factum sit, postquam aliquæ religionem ingressæ sunt, quoad has invalidum est, secundum vim earum exclusivam; quia jam ingressæ non amplius subsunt statuentium jurisdictioni. Et ideo etiam irritum est statutum Laicorum, ut filij, vel filiæ, ingressi, vel ingressæ Religionem, non succedant; quia statuunt in non subjectos. Idem est, si dicant: *ingrediens religionem,* quia sic effectus ejus confertur in tempus inhabibile, ut pluribus ostendi in tract. *de Jure, & Just. n. 110.* Idem enim est, aliquid fieri tempore inhabibili, & ejus effectum conferri in tempus inhabibile. L. *Quod sponsa, C. de donat. ante nuptias.* Tale

*Tom. I.*

autem statutum cum effectu non obligat, nisi cum per professionem ingreditur, quo tempore jam non amplius subest jurisdictioni laicæ; ergo.

Caterūm leges civiles communes (si habeant qualitates, de quibus n. 620.) maximè Cælareæ, à Jure Canonico potissimum approbatæ sunt, adeoque etiam in foro Ecclesiastico servandæ *in vi legis receptæ ab Ecclesia,* modò non sint contrariæ Sacris Canonibus; secus est de municipalibus, locorum specialium statutis, quæ contra jus commune sunt. Abbas in c. *1. de novi operis nuntiat. num. ult.* Major tamen favor, & exemptio competit Ecclesiis, & communitatibus Ecclesiasticis, quia earum personis in particulari, quia causa publica magis favorabilis est; sic Layman in c. *Ecclesia, de conſtit. n. 14.* Et quoniam observari statuta edita contra libertatem Ecclesiasticam, prohibetur sub pena excommunicationis; & in bulla coenæ, censurâ 14. excommunicantur, qui statuta, ordinationes, vel constitutiones in genere, vel in specie, quovis quæsito colore fecerint, vel publicaverint, vel factis usi fuerint, unde libertas Ecclesiæ tollitur, seu in aliquo læditur, aut alio quovis modo restingitur: dubium esse non potest, obligationem non lædendi per ejusmodi statuta Sacrorum Canonum dispositionem esse gravem.

639. Si tamen fieret statutum à Laicis, quo decernitur, ne ipsorum privilegiis potiantur non subditi; non derogaretur immunitati Ecclesiasticæ: quia aliud est, derogare, aliud *privilegium non concedere;* sic Azor p. 1. *Inſtit. mor. l. 5. c. 13. q. 4.* excipe, nisi prius fuisset statutum in favorem Ecclesiastum, vel Communitatem, in quibus degunt Ecclesiastici; quia tunc non valeret statutum illud revocans, postquam ab eo, cui concessus est favor, statutum acceptatum est; quia statutum sic acceptatum transit in jus; Azor cit. q. 5. irritum autem est statutum Laicorum, quo cavetur, ne quis apprehendat possessionem Ecclesiæ, vel beneficij *sine facultate ejus,* qui præst populo Civitatis, provincie, vel loco; sic enim derogat iuri Ecclesiæ, & potestati Clericos mittendi in possessionem Ecclesiastum, vel beneficiorum. Azor cit. q. 6. Felinus in c. *Ecclesia S. Marie, de Constitut. n. 96.* Et

*U 2*

*continu.*

communi sensu interpretum juris Pontificij. Quid verò dicendum de statutis laicorum Principum, ne literæ Apostolicae sine suo consensu in regnis suis publicentur, vel affigantur; ne exteris beneficia sita in suis territoriis conferantur, vel penitentes assignentur, tractat Azor p. i. *Instit. moral. l. 5. c. 14. q. 3. &c.* ubi rarissimos casus proponit in hac materia, quos consultò prætermittimus.

## §. VIII.

*An, & quo jure Ecclesiæ, ac persona Ecclesiastica, earumque bona exempta sint à jurisdictione Laicorum.*

640. **I**munitatem Ecclesiasticam, & exemptionem talium personarum, & quacumque rerum ad eas pertinientium esse non tantum juris Ecclesiastici, sed etiam civilis, ex dictis hactenus constat; quæstio est, an etiam sit juris divini? ante resolut. not. *jus divinum aliud esse scriptum, traditum, & explicatum.* Scriptum est, quod habetur ex sacris literis; traditum, quod per traditionem; explicatum, quod ex Conciliorum generalium, & Pontificum decretis, jus divinum explicantibus. Porro, immunitatem illam esse de jure divino, ex pluribus locis probari potest, de quibus fusè Delbenc cit. dub. 2. S. i. à. n. i. Nam in c. *Continua*, i. i. q. i. & c. *futurum*, 12. q. i. Constantinus Imperator querimoniis quorundam Clericorum respondens, ait: *Vos à nemine judicari potestis, sed judicio Dei reservamini, c. quanquam de censib. in 6.* ibi: *Ecclesiæ, Ecclesiasticaq. persona, & res ipsarum non solùm jure humano, quinimò & divino à sacerdotalium personarum exactiōibus sunt imunes.* Ex Concilio Lateranensi sub Leone X. sess. 9. in *bulla reformationis Curiæ*, ibi: *Cum à jure tam divino, quam humano Laicis potestas nulla in Ecclesiasticas personas attributa sit.* Trid. sess. 25. c. 20. de reform. ibi: *Ecclesiæ, & personarum Ecclesiasticarum immunitas Dei ordinatio, & Canonis sanitonibus constituta est.* Es his juribus ritè concludi, immunitatem Ecclesiasticam esse de jure divino quoad causas spirituales, quæ respiciunt v. g. fideim, Sacramenta, cultum divinum, vel salutem animarum, communiter

conceditur, prout disertè habetur in *Si Imperator, & c. duosunt, dist. 94.* Judicium enim spiritualiū illi tantum competit, cui Christus concessit, nimirum Petro, & Successoribus ejus, quibus dixit: *pascere oves meas.* Et quoniam ex jure utriusque textibus allatis habetur, esse juris divini; nullam Laicis esse potestatem non tantum in personas, sed etiam res ipsarum, adeoque causas, sive has, sive illas concernentes, idem de his dicendum est.

Quæstio nunc est, an hoc sit de jure divino scripto, vel tradito, vel explicato tantum, explicatione fundatâ in ordinatione divina? qua in re *re* exceptionem in pure spiritualibus esse de jure divino immediate, saltem tradito, ut tenet communis; exemptionem autem Ecclesiarum, & personarum Ecclesiasticarum, quoad ipsas personas, & res temporales eorum, etiam esse de jure divino, ut constat ex n. 640. sed probabilius mediata tantum, nimirum tradito, & explicato, vel saltem de jure Ecclesiastico introducto, *Deo sic dictante, & præcipiente.* de quo V. Delbenc cit. c. 5. dub. 8. Dixi. i. de jure divino tradito; hæc enim veritas in Ecclesia Dei continuò à temporibus Apostolorum pro tali habebatur. Nam *immunitas Ecclesiastica vetustissima res est jure pariter divino, & humano;* ut loquitur Concilium Colonense part. 9. c. 20. apud Delbenc cit. c. 5. dubit. 8. n. 5. quod expressè nominat exemptionem *Clericorum, & eorum possessiones à vectigalibus, & tributis,* & ut non extrahantur ab Ecclesiis, si ad eas Rei configunt. Dixi 2. de jure divino explicato per Concilium, & summos Pontifices; ut patet ex n. 640. & quidem ex *Dei ordinatione*, seu Deo sic ordinante, & dictante, ut patet ex Trid. in *num. cit.* Cùm enim potestas Petro, & Successoribus concessa à Christo rectè gubernandi Ecclesiam, hoc includat, sine quo ea gubernatio rectè fieri non posset, sicut illa, sic inclusum est ex Dei ordinatione; sed recta gubernatio Ecclesiæ includit exemptionem Ecclesiarum, & Clericorum, saltem quoad substantiam, cùm sine hoc ea gubernatio haberri non posset, licet modus inducendi hanc exemptionem tam quoad personas, & materias, quam quoad quantitatem Pontifici temiserit, prout bono Eccle-